



Publicaziuns officialas dils 01-03-2019

Damondas da baghegiar

Nr. 10/2019

Datum da publicaziun: 01-03-2019
Patrun: Frischknecht Hans, 7174 S.Benedetg
Liug e parcelas: Via sur Val; 3906
Object: sanaziun dil tetg

Nr. 11/2019

Datum da publicaziun: 01-03-2019
Patrun: Herger Hans, 7175 Sumvitg
Liug e parcella: Pardatsch; 6773
Object: construcziun d'ina via e d'in plaz da volver, ulivaziun da terren

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 01-03-2019

Cumissiun da baghegiar

ELECZIUNS COMMUNALAS 2019

Demissiuns d'uffecis

Sin fundament d'art. 19 dalla lescha da votaziuns ed elecziuns han ils suandonts officials communalns inoltrau lur demissiun sin ils 31 da schaner:

a) Cumissiun da quen e gestiun

Cajacob Claudio, Cumpadials	president
Decurtins Rafael, Sumvitg	commember
Lutz Gion, Rabius	commember

b) Cumissiun da baghegiar

Bundi Martin, Sumvitg	president
Flepp Felix, Surrein	commember

Officials che han buca demissiunau

Ils suandonts officials han buca demissiunau e valan consequentamein sco proponi tenor art. 21 dalla lescha da votaziuns ed elecziuns:

- a) **President communal**
Candinas Armin, Rabijs
- b) **Suprastonza communal**
Beath Giusep, Sumvitg
Candinas Robert, Surrein
Deplazes Ignaz, Surrein
Duff Marcus, Cumpadials
- c) **Cumissiu da baghegiar**
Monn Erwin, Sumvitg
Tuor Eduard, Rabijs

Ponderaziuns e motivs dalla suprastonza communal da star vinavon a disposiziun per l'executiva

Dapi biabein quater meins ei la suprastonza communal en stretg contact cun la suprastonza communal da Trun pertuccont in project da fusiun che las suprastonzas communalas da Trun e Sumvitg han decidiu da lantschar en ina seduta comunabla dils 21 da schaner 2019. Las discussiuns preparatoricas enteifer la suprastonza communal e cun la suprastonza communal da Trun han mussau ch'igl ei prudent che la suprastonza communal vertenta elaborescha il project da fusiun cun la vischnaunca Trun. Plinavon ha igl uffeci da vischnauncas cussegliu d'elaborar il project da fusiun cun ils commembers da suprastonza actuals. Per ina nova suprastonza communal fust ei ina gronda sfida d'elaborar in tal project damai ch'ei basegna temps entochen ch'ina nova suprastonza ei cudischada cun ils fatgs communal ch'ei decisivs per il project da fusiun. Tenor plan da termins duei vegnir votau davart il project la primavera 2020 e la nova vischnaunca duei ir en vigur cun l'entschatta 2021. Quei seapescha mo sche las suprastonzas communalas ein perschuidadas dil project ed ina vischnaunca fusiunada purtass consequentamein dapli avantatgs che disavantatgs. Dues ei dar ina funsiun setracta ei d'in temps d'uffeci da mo 1.5 onns.

Sin fundament da quella situaziun han tut ils commembers dalla suprastonza communal decidiu da star vinavon a disposiziun per l'executiva ed aschia accumpignar il project da fusiun. La suprastonza communal ei dil meini che quei ei la megliera decisiun ed en favur da nossa vischnaunca. Ei spetga in intensiv ed impurtont temps per il futur da nossa vischnaunca e la suprastonza communal sestenta da liquidar tut ils pensums che spetgan cun bien maun ed en favur da nossa communitad.

La suprastonza communal supplichescha per enconuschientscha e spera per capientscha per igl agir.

Nominaziuns novas

Tenor art. 21 dalla lescha da votaziuns ed elecziuns san ils vischinadis ni gruppaziuns da silmeins 15 votants far nominaziuns da candidats per scadin post che stat en elecziun. Tuttas propostas per la gliesta ufficala ein d'inoltrar a scret all'administraziun communal entochen ils **15 da mars**. Sin giavisch tarmetta l'administraziun tier ad interessents ni gruppaziuns gliestas per nominaziuns. Scadina proposta sto vegnir inoltrada cun la gliesta ufficala. Las elecziuns ein fixadas sin dumengia, **ils 14 d'avrel 2019**.

Mintga vischin proponiu sto vegnir orientaus digl emprem sutsignau dalla gliesta ch'el vegni proponius sco candidat per in uffeci e sto confirmar quei cun sia sutscriziun. Las candidaturas ston mintgamai cuntener num, prenum, onn da naschientscha, liug e professiun dil nominau.

Ulteriuras demissiuns

Da uffecis che vegnan buca elegi all'urna han las suandontas personas demissiunau sin ils 31 da schaner:

- a) **Cussegl da scola**

Bass Trudi, Sogn Benedetg	commembra
Jacomet Lucrezia, Surrein	commembra

b) Cumissiun da meglieraziun

Monn Martin, Sumvitg commember

c) Cumissiun da cultura

Solér Clau, Surrein commember

Monn Gabriela, Sumvitg commembra

d) Corporaziun casa da tgira Sutsassiala

Monn Yvonne, Sumvitg commembra

Sumvitg, 01-03-2019

Suprastonza communal Sumvitg

Uffeci civil Surselva

Mortori

Derungs Felix, naschius ils 29-08-1933, morts ils 11-02-2019, staus sesents a Rabius.

Sumvitg, 01-03-2019

Controlla da habitonts

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 01-03-2019

Departament stradal

Corporaziun Pistregns Surrein

Invitaziun

alla radunonza da fundaziun dalla Corporaziun Pistregns Surrein, venderdis, igl 1. da mars 2019 allas 20.00 en casa da scola a Surrein

Tractandas:

1. Beinvegni
2. Elecziun dil president e digl actuar dil di
3. Elecziun dad in dumbravusch
4. Decisiun da fundar la Corporaziun Pistregns Surrein
5. Presentaziun ed approbaziun dallas statutas
6. Elecziun dalla suprastonza: president, actuar, cassier
7. Elecziun dil revisur da quen
8. Decisiun da vendita dil pistregn da Reits
9. Decisiun da vendita dil pistregn da Plazzas Su
10. Decisiun da vendita dalla parcella nr. 752 digl anteriur pistregn da Plazzas
11. Dissoluziun dalla corporaziun
12. Varia

Surrein, 01-03-2019

Radunonza generala dil vischinadi da Rabius

mardis-sera, ils 5 da mars 2019, allas 20:00 uras el local cuschina veglia dalla casa da scola Rabius

Tractandas:

1. Beinvegni
2. Elecziun da dumbravuschs
3. Prelecziun ed approbaziun dil protocol
4. Rapport ed approbaziun dil rendaquen
5. Rapport dil president
6. Damonda da susteniment finanziel allas Uniuns reunidas
7. Elecziun d'ina suprastonza e revisurs da quen ni elecziun d'ina cumissiun «organisaziun futura»
8. Reorganisaziun dall'uniun
9. Nominaziun da candidats/-as ord nies vischinadi per las elecziuns communalas

In cordial beinvegni alla radunonza generala fa *la suprastonza*

Vischinadi Surrein

Radunonza, dumengia, ils 3 da mars, allas 20.00 en scola

Tractandas:

1. avertura
2. elecziun da dus dumbravuschs
3. approbaziun dils protocols
4. rapport da quen e revisiun
5. preparar las elecziuns communalas che pertuccan nies vischinadi
6. elecziuns da vischinadi
7. varia

A stedia participaziun envida *la suprastonza*

Uniun da dunnas Rabius

Nus purschin in cuors da pendular (pendeln) cun Johannes Schuler da Rabius. Co funcziunescha il pendular? Tgei technicas ed instruments ch'ei vegn duvrau, nua e tgei ch'ins sa pendular, tut quei vegn declarau ed experimentau duront il cuors. Quel cuozza tschun jamnas, mintgamai las mesjamnas. Datums ed uras: **ils 20 e 27 da mars 2019, 3, 10 e 17 d'avrel 2019** allas 19.30–21.30 en casa da scola Rabius. Ulteriur sclariment dat bugen: Denise Monn, 081 936 30 66. Nus selegrein sin Vossa annunzia entochen ils 13 da mars 2019. *La suprastonza*

Der Verein Uniun da dunnas Rabius bietet einen Grundkurs zum Erlernen des Pendelns an. In fünf Kursabenden werden Sie theoretisch und praktisch in die Pendeltechnik und die Benutzung des Pendels eingeführt. Pendel können bei Kursbeginn gekauft werden. In diesem Kurs lernen Sie das Vorgehen beim Pendeln und wenden es zur Austestung von Nahrung an, oder Sie prüfen die Verträglichkeit von Medikamenten. Weiter können Störfelder gesucht werden; so werden Sie Ihre eigene Sensitivität fördern.

CUMIN da senioras e seniors

Invitaziun al cumin da senioras/seniors dallas vischnauncas Tujetsch, Mustér, Medel, Sumvitg, Trun, Breil/Brigels. L'idea ei da haver sper purschidas permanentas e regularas per senioras/seniors en mintga vischnaunca era pliras purschidas suls cunfins dallas vischnauncas e quei mintgamai en in'otra vischnaunca. L'entschatta fagein:

gliendisdis, ils 25 da mars alls 17.45 en halla Cons a Mustér

cun la suandonta purschida gratuita:

- Referat d' Eveline Widmer-Schlumpf, anteriura cussegliera federala cul tema: „Lebensgestaltung nach der Pensionierung“
- Presentaziun d'ideas/purschidas per eventualas occurrenzas communablas
- Aperitiv

Buca emblidar da s'annunziar tier:

Administraziun communal

Via Cons 2

Caum postal 57

7180 Disentis/Mustér

T 081 920 36 36

F 081 920 36 37

admin@disentis.ch

Pro Senectute a Cumpadials

Meisa da miezdi (gentar comunabel)

Pro Senectute Surselva organisescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar comunabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las persunas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia cun dar in scart troccas ni auters giugs.

Liug: Ustria dalla Staziun, 7176 Cumpadials

Datum: **venderdis, ils 8 da mars 2019** allas 12.00

Annunzias: Ein da far entochen mesjamna sera tier Ustria dalla Staziun, Cumpadials tel. 081 943 19 22